

أبو هيبة يكتب : باسم يوسف والضحك للركب



الجمعة 26 أبريل 2013 12:04 م

الإعلامي أحمد أبو هيبة يكتب "باسم يوسف والضحك للركب " :

اقترب مني رجل الأعمال ونحن جلوس وسط مجتمع راقي ، همس في أذني ابتسامة ماهرة "وانت بأة بتتفرج على باسم يوسف ؟" ..
ابتسمت ابتسامة أكثر مكرًا ... "طبعا" ... " وتضحك ؟" ... نظرت له بابتسامة أقل مكرًا

- كنت ... في الأول

- وبعدين ؟

- وبعدين بطلت أتفرج

- ايه ... اتغضت ؟

- طبعا ... وزعلت ...

- (ضحك بسعادة طفولية) ... يعمل ايه الراجل مانتو اللي بتعكوا الدنيا

(اعتدلت في جلستي ... ونظرت له بعمق)

-انت عارف أنا ليه زعلت ؟

- ليه ؟

- الأول كنت باستمتع بحالة ابداعية كوميدية زي طبيعة الشعب المصري ، لغاية ما جه في حلقة ولاحظت إن فيه حاجة مش مظبوطة ...

القص واللزق مش صح ... بيقص نص الجملة ويسيب نصها اللي بيبغي المعنى تماما ... بيتتقي عبارات مش مرتبطة ببعضها عشان لما يربطها تدي معنى ثاني ... حاجات ليها قيمة تم اغتيالها معنويا ... ساعتها انتبهت ... وبدأت أفكر ... هوة ايه اللي بيحصل ... الراجل

معارفوش عن قرب لكن لا أعلم عنه خيانة أو محاباة لنظام سابق ... وبطبيعتي لست من أنصار نظرية المؤامرة إلا فيما ثبت وصح ...

- أمال ايه اللي مزعلك

- حسيت إن فيه حاجة غلط ... بعد متابعتي لعدد من الحلقات ومتابعة تأثيرها على المجتمع ، فعلا فجعت ... اللي بيحصل ده كارثي ...

- ليه بس يا عم ...

- أقولك ... أولا بيتحول الاختلاف السياسي أيا كان عمقه إلى مادة للامتهان المتبادل ، فيتحول الشريك إلى خصم ، والخصم إلى عدو ،

والحوار إلى كيد ، والكيد إلى غل والغل ينتهي بكره يستحيل معه المشاركة البناءة وغالبا يبقى سهل جدا يتحول لاعتداء أو إيذاء ...
يا راجل مش للدرجة دي

- تخيل معايا مجزرة بورسعيد ... من زمان واحنا بتتعامل مع الكورة بنفس المنطق ... الجمهور عايز فريقه يفوز عشان ثاني يوم يغيظ
صاحبه ويستخدق أقوى أسلحة الشعب المصري .. السخرية ... أنا كنت وانا صغير زملكاوي ... كان كل ما الأهلي ما يكسب كنت أخاف أروح

المدرسة ثاني يوم عشان عارف إن أصحابي حيغيظوني وطبعا ده كان بيحصل كتير

(ابتسمت فابتسم مؤيدا ...)

- .. ماكانش بيفرق معنا اللعبة الحلوة قد ما بيفرق معنا الترقية المهينة ... الهتافات بأت هتافات بذينة ومهينة للطرف الآخر ... إحنا

ورثنا قبح المجتمع اللي زرعه فينا النظام ... كان بيتعامل معنا بمنطق الإمتهان والتقليل .. فخلانا نتعامل مع بعض بنفس الطريقة ..

ربي الغل جوانا بيننا وبين بعض ، فلما اتشالت السلطة ، وظن كل واحد إنه صاحب سلطة وقوة .. فرغ غله اللي بيتربي جوانا سنين زي ما

كان بيفرغه بسخرية .. فرغه بالسلاح ...

- يا راجل عايز تقول إن باسم يوسف سبب موجة العنف ؟

- السخرية المهينة بتعمل اغتيال معنوي للإنسان الي قدامك ، فبتسهل أي حاجة بعد كده ... آه طبعا أنا شايف إنه مسئول ضمن

مسئولين آخرين .. لكن مش هي دي المشكلة ... المشكلة حتبقى أبعد من كده

- ازاي ؟

- باسم بيستخدم المعادلة الغربية الرخيصة في النجاح الإعلامي ... كسر التابوهات الثلاثة ... الدين والجنس والسياسة ... السخرية من الدين والسياسة واستخدام الجنس .. في مجتمع يقدس الدين ، ويمنع الجنس وحديث عهد بالسياسة ... السياسة الطبيعية ... وبالتالي ... لما يبنزع هالة الدين ...

- لأأسف .. يبنزع هبة المدعين بتوع الدين

- للأسف المشاهد مش يفرق .. لأنها فعلا يستحيل التمييز بينها ... لو شفت واحد بدقن ، حتعرف منين إنه مخلص ولا مدعي ، اللي يحصل إنك بشكل أسهل حتعتبر كل من يجاهر بإظهار سمة دينية مدعي ، وبالتالي حتسخر منه ، حتربي جواه الغل ، حيمارس ضدك أي تصرف عدواني ، حتعتبر ده دلالة على ادعائه ، حتتمادى ، لأنه أصبح بالنسبة لك قيمة انسانية مهذرة .. وانت بأة وأخلاقك .. لو ابن ناس ، حتقوله كلمة تجرحه ، لو ابن شارع حتنزله من الميكروباص وتضربه زي ما حصل في كورنيش اسكندرية

- ده برضه مالوش علاقة بالدين

- مع الوقت بيبقى كل مظهر ديني مرادف لإدعاء ... وبالتالي بتبدأ تبعد عن كل مظهر ديني .. ما لاحظتشد عدد البنات اللي قلعوا الحجاب في الفترة اللي فاتت ، ما لاحظتشد قلق كثير من المتدينين من اظهار تدينهم ... ما لاحظتشد في أي لقاء أو خروجة بيبقى المتدين مألوسة القعدة ... تفتكر ده ييزرع في نفس الإنسان رغبة في التدين ...

- مش لازم تدين ظاهري

- حتقسمه يعني ... نلغي الظاهر ونخلينا في الباطن بس ... نلغي الحجاب وصلاة الجماعة والملتحي ما يخرجش من بيته .. وتفتكر ده حيفرق كثير عن اللي لابسة صليب أو زي قسيس ؟ ...

- طب والسياسة .. انت عايز تصنع فراعنة جدد

- لااااا عايز أصنع شرفاء جدد ... عايز أقدم نماذج مصرية تقدر تقود ...

- والنماذج دي من الإخوان بس ؟

- من مصر ... إخوان أو أي فصيل غيرهم ... لو فشل مش حنهينه ونكسره ونمتهنه .. لو فشل يا نساغده يا ننزله وييجي حد مكانه ، نساغده أو ننزله وهكذا ... لأن دي بلدنا ... المركب اللي شايلنا ... لو غرقت حنغرق كلنا ... لأن هي دي السياسة ... هو ده تداول السلطة .. اللي بيعمله باسم هو تدمير لقيمة إن إنسان مصري يتولى المسؤولية .. لأنها مش حتقف عند كده ... يعني مثلا تفتكر مرسى بكرة لو مشي وجه مكانه صباحي مثلا ... هجوم التدمير والاعتقال المعنوي حيقف ؟ ... لا مش حيقف .. وهكذا حنفضل نحرق في كل كفاءاتنا لأننا ما بنعرفش نوقف ضحك امتى ... لأننا كنا بنستخدم سكينه قدام نظام فاشل فلما وقع بدأنا نقطع شرايينا ... وبرضه .. لسة المشكلة الجاية أمُدح

- ايه تاني

- كسر منظومة القيم كلها ... زي كسر تابوه الجنس باستخدام الإفيهات والإيحاءات ... زي استخدام الألفاظ البذيئة اللي طول عمرنا بنمنع دخولها بيتنا ... ونلاقي أسر قاعدة بتضحك رغم إنها لو سمعتها في بيوتها حتعيط ...

- لأ بأة ... انتوا اللي ...

- عارف .. إحنا اللي بايخين ، ودمننا تقيل ... وما بنعرفش نهرج

- يا راجل دي أحلى إفيهات ... داحنا بنعيط م الضحك

- فاكتر مدرسة المشاغيبين ؟ ... كل علماء الاجتماع المحترمين في مصر اتفقوا إنها كانت السبب الأول في خراب التعليم في مصر ... لأنك قضت ع المدرس .. قضت ع المساحة اللي كان المدرس بيقدّر فيها يسيطر على الطالب ويعلمه ، لأن التعليم مستحيل ينتظم وانت بتحتقر اللي بيعلمك ، اختلال منظومة القيم في أي مجتمع تحت راية الضحك والسخرية بتبقى دايمًا كارثية ... واحنا وسط كل اللي خسرنه وكل اللي اتهدم فينا ، كنا بندور بين الأنقاض على بقايا منظومة قيم مفتتة هنا ولا هنا نللمها ونصنع منها مجتمعنا اللي بنحلم بيه .. اختلال منظومة القيم تحت حجة الضحك والفرشقة والدم المصري الخفيف ... زي التحرش اللي كان كلمتين حلوين لحد ما بأة اغتصاب علني ... صدقني دي الكارثة الحقيقية اللي إحنا داخليين عليها ... بعد اغتيال الرموز ، وانهاء هالة القداسة الدينية ، واختلال منظومة القيم ... حيفضل ايه ؟ ... تفتكر حنفرج بحرية كسبناها لو خسرننا نفسينا ...

(بدأ يحدثني بجدية ...)

- ويعني باسم يوسف هو اللي عمل كل ده ... ؟

- زي ما قلتك أنا ما عرفوش ومش باكرهه ومش باعتبره عدو ... لكن شوف مدرسة المشاغيبين عملت في التعليم .. حتعرف باسم يوسف حيعمل ايه في مجتمعنا ...

(نظر لي نظرة ساخرة ... وابتعد بمقعده بعيدا وهو يتمتم ... "عمركم ما حتقتنعوا ...")

(بعد حوالي ثلاثة أيام ، تلقيت مكالمة غريبة من رجل الأعمال نفسه ورغم أنني لأعرف من أين جاء برقم تليفوني إلا أنني فوجئت به يحدثني في مكالمة في منتهى الغرابة ...)

- أنا بس حبيت أعتذرلك

- عن ايه

- عن حوارنا الاسبوع اللي فات

- بس أنا مازعلتشد منك

- مش باعتذر إنني زعلتك .. باعتذر إنني كنت مستهتر بكلامك .. النهاردة بس عرفت إنه معاك حق

- واشمعنى النهاردة

- ابني عنده ١٦ سنة ... كان عايزني أجيبله الآي فون فايف ... قتلته ياد دانا لسة جايبلك الإس ثري من ست شهور ... بصلي من تحت لتحت .. قاللي "إنت عايزني أشكرلك" ... تنحت شوية ... ما فهمتشد .. بس نظرة عينيه فهمتني ... لقيت نفسي باديله بالقلم

والاغرب .. إنه ما زعلش .. بصلي بتحدي .. وضحك ومشى ...

- وتفتكر ده بسبب باسم يوسف .. ؟

- ماعرفش ... بس وانا باضحك عليها .. ماتخيلتش إني ف يوم حاسمها ...
أغلقت السماعه وأنا أتساءل .. أمة خسرت خيرة شبابها .. وتتعثر في مسيرتها ... ويتقاتل رجالها بعضهم البعض .. وتنتهك مقدساتها ..
هل مازال عندنا رغبة حقيقية بالضحك ؟